



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 189

DATUM: 17.10.2014.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana prva radionica strateškog planiranja Saveza općina i gradova FBiH

Općina Domaljevac-Šamac prva u FBiH potpisala tripartitne ugovore

Potpisani novi ugovori za sanaciju štete od poplava

Stupili na snagu zakoni o gradovima Bihać, Široki Brijeg, Tuzla i Zenica

Potpisan memorandum obnove i renoviranja domova u općini Maglaj

Tuzla i Zenica putem donacija i kredita dobijaju 22,5 mil eura za unapređenje vodosnabdijevanja

Dogovorena zajednička saradnja općina za redovan odvoz otpada u slivu akumulacije Modrac

U toku intenzivni radovi na izgradnji zgrade Općine Kakanj

Uspješno okončani "Energetski Dani Zenica 2014"

Gradonačelnik Bešlić na sjednici Kongresa lokalnih i regionalnih vlasti Vijeća Evrope

Najava održavanja obuke za općinske vijećnike na temu: "Upravljanje imovinom JLS"

RENEXPO BiH

LAF radionica o zaštiti prirode na lokalnom nivou

Bilten Saveza općina i gradova Federacije Bosne i Hercegovine

ODRŽANA PRVA RADIONICA STRATEŠKOG PLANIRANJA SAVEZA OPĆINA I GRADOVA FBiH



Savez općina i gradova Federacije Bosne i Hercegovine je 01. avgusta/kolovoza ove godine započeo sa implementacijom Projekta „Strateški okvir za budući razvoj saveza u Bosni i Hercegovini“ koji finansira Švedska međunarodna agencija za razvoj – SIDA, a kojeg također realizira i

Savez opština i gradova RS-a. Projekat se bazira na rezultatima ostvarenih u okviru prethodnog projekta namijenjenog jačanju kapaciteta Saveza i nastavak je dugogodišnje podrške.

Jedna od najznačajnijih predstojećih aktivnosti na ovom projektu u ovoj godini jeste definisanje i usvajanje Strateškog plana za period 2015. – 2019. godina.

U skladu s tim na Jahorini je, 9. i 10. oktobra/listopada, održana prva, zajednička radionica u svrhu pripreme za izradu strateškog planiranja Saveza općina i gradova Federacije Bosne i Hercegovine. Pored uposlenika dva saveza (Savez općina i gradova Federacije Bosne i Hercegovine i Savez opština i gradova Republike Srpske), radionici su prisustvovali predstavnici nekoliko općina iz Federacije Bosne i Hercegovine i Republike Srpske, i predstavnici Stalne konferencije gradova i opština Srbije.

Cilj radionice je bio da se u direktnom kontaktu i uz impute članica saveza započne proces izrade najbitnijeg strateškog dokumenata.

Novi strateški plan Saveza treba da posluži kao okvir i osnov novog razvojnog ciklusa Saveza. Na kraju tog ciklusa, Savez bi, obavljajući svoje, statutom predviđene funkcije i zadatke, istovremeno znatno proširio obim i kvalitet usluga koje pruža svojim članicama i zauzeo ono mjesto u društvenom i političkom životu Federacije Bosne i Hercegovine i Bosne i Hercegovine koje mu po svojoj svrsi i pripada.

Uporedo sa intenziviranjem svoje uloge zastupanja interesa članstva i razvojem usluga koje pruža, tokom ovog ciklusa Savez bi trebalo da ojača i svoje ukupne kapacitete - organizacione, ljudske i materijalne, i postigne što potpuniju institucionalnu finansijsku stabilnost i samoodrživost.





Grb Općine Domaljevac-Šamac

OPĆINA DOMALJEVAC – ŠAMAC PRVA U FBiH POTPISALA TRIPARTITNE UGOVORE

Direktor Federalnog fonda za pomoć nastradalim područjima od prirodne nesreće na teritoriji Federacije BiH Jasmin Jaganjac i načelnik općine Domaljevac Željko Josić potpisali su u Sarajevu, 7. oktobra/listopada tripartitne ugovore o dodjeli sredstava krajnjim korisnicima koji su pretrpjeli štete u katastrofalnim poplavama.

Riječ je o 62 ugovora kojim će biti omogućena obnova stambenih objekata za isto toliko obitelji na području ove općine. Za pomoć u obnovi stambenih objekata općini Domaljevac iz Fonda će biti raspoređeno 265.000 konvertibilnih maraka.

Inače, ovo su prvi tripartitni ugovori na teritoriji Federacije koji su potpisani između Fonda, općina i krajnjih korisnika sredstava za obnovu.

„Potpisivanje ovih ugovora je velika stvar za građane Domaljevca. Ujedno, ovo je i jasna poruka da građani Posavine nisu ostavljeni i zaboravljeni i da će im biti pružena značajna pomoć kako bi što prije sanirali svoje oštećene domove“, rekao je načelnik Josić prilikom potpisivanja.

Direktor Jaganjac je još jedanput pozvao načelnike poplavljenih općina, koji do sada to nisu učinili, da sačine i potpišu tripartitne ugovore kako bi namjenska sredstva što prije bila operativna i dostupna krajnjim korisnicima.

Načelnik Željko Josić i direktor Jasmin Jaganjac -
potpisivanje tripartitnih ugovora

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

POTPISANI NOVI UGOVORI ZA SANACIJU ŠTETE U PET OPĆINA

SARAJEVO, 10. oktobar/listopad –

Direktor Federalnog fonda za pomoć nastradalim područjima od prirodne nesreće na teritoriji Federacije BiH (FBiH) Jasmin Jaganjac i načelnici općina Domaljevac-Šamac Željko Josić, Orašje Đuro Topić, Odžak Hajrudin Hadžidedić i predstavnik načelnika Općine Usora Mario Pranić potpisali su danas tripartitne ugovore o dodjeli sredstava krajnjim korisnicima koji su pretrpjeli štete u poplavama, navodi se na web stranici Vlade FBiH.

Nakon što je u utorak potpisao 62 ugovora, načelnik Općine Domaljevac-Šamac danas je potpisao još tri ugovora za obnovu stambenih objekata na području ove općine, te 30 ugovora za obrtnike koji su pretrpjeli štete, da bi mogli obnoviti sredstva za rad i nastaviti svoju djelatnost, u iznosu od po 2.000 KM po obrtu. Načelnik Orašja Đuro Topić potpisao je 47 ugovora za privredne subjekte vrijednosti 94.000 KM, a načelnik Odžaka Hajrudin Hadžidedić 28 ugovora ukupne vrijednosti 56.000 KM. Predstavnik općine Usora Pranić potpisao je 28 ugovora za obnovu stambenog fonda i za obrtnike ukupne vrijednosti 34.553 KM.

Faksimili svih ugovora biće objavljeni na web stranici Fonda (www.fondzapomocnastradalimfbih.gov.ba), kako bi oni u potpunosti bili transparentni i dostupni javnosti.

Tokom potpisivanja ugovora, načelnici su informisani i o aktivnostima koje se odnose na sanaciju Savskog nasipa, za šta je potrebno oko 25 miliona KM, te su kazali da su zadovoljni koracima koji se poduzimaju na rješavanju ovog problema.

„Sa puno optimizma vraćamo se u svoje sredine, jer smo čuli ohrabrujuće vijesti za nas“, rekao je načelnik Općine Domaljevac-Šamac Željko Josić.

Tokom sastanka razgovarano je i o mogućnostima participacije iz sredstava Fonda za realizaciju zajedničkih projekata općina sa stranim donatorima, te za sanaciju otpada na ugroženim područjima.



Jasmin Jaganjac, direktor Federalnog fonda za pomoć nastradalim područjima od prirodne nesreće na teritoriji FBiH



STUPILI NA SNAGU ZAKONI O GRADOVIMA BIHAĆ, ŠIROKI BRIJEG, TUZLA I ZENICA



Gradovi Tuzla, Zenica, Bihać i Široki Brijeg su, u skladu s novim zakonima, pravni sljednici sadašnjih općina i preuzimaju njihove nadležnosti, prava, obaveze i imovinu. Teritorij ovih novih gradova u Federaciji BiH čine sva naseljena mjesta koja se, prema evidenciji Federalnog zavoda za statistiku, nalaze u okviru općina Tuzla, Zenica, Bihać i Široki Brijeg na dan stupanja Zakona na snagu.

Gradovi su jedinice lokalne samouprave i imaju svojstvo pravne osobe. Njihova samoupravna tijela su gradska vijeća i gradonačelnici koji poslove iz svojih nadležnosti obnašaju sukladno Ustavu FBiH, zakonima i gradskim statutima.

Broj članova gradskih vijeća je utvrđen statutima, a vijećnici se biraju na direktnim, tajnim izborima. Gradonačelnici, kao izvršna tijela gradova, biraju se u skladu sa Zakonom o izboru, prestanku mandata, opozivu i zamjeni načelnika općina u FBiH.



Općinski vijećnici i općinski načelnici, izabrani na proteklm općinskim izborima, stupanjem na snagu novih zakona, nastavljaju s radom kao vijećnici gradskih vijeća i gradonačelnici. Općinska tijela uprave i upravne organizacije, stručne i druge službe i ostala općinska tijela nastavljaju rad kao gradska tijela i službe, a javna poduzeća i javne ustanove, čiji su osnivači općine Tuzla, Zenica, Bihać i Široki Brijeg, djelovat će kao javna gradska poduzeća i ustanove.

U obrazloženjima Prijedloga zakona konstatirano je kako Tuzla, Zenica, Bihać i Široki Brijeg ispunjavaju sve zakonske pretpostavke da bi bili uspostavljeni

kao gradovi.

Općinsko vijeće Tuzla je na sjednici 30.1.2007. godine donijelo Odluku o proglašenju Grada Tuzle i Zaključak o pokretanju Inicijative za izradu Zakona o uspostavi Grada Tuzle. Takvu odluku je donijelo i Općinsko vijeće Zenice i Širokog Brijega čije je Općinsko vijeće 31.7.2013. godine usvojilo Odluku da su ispunjeni uvjeti za proglašenje gradom.

Zakon o principima lokalne samouprave predvidio je mogućnost proglašenja gradovima onih općina koje predstavljaju sjedište kantona ili imaju posebno povijesno i kulturno značenje, što se, u svakom slučaju, odnosi i na Bihać.

Zakoni su objavljeni u „Službenim novinama Federacije BiH“, broj 80., od 1.10.2014. godine, i mogu se naći na web stranici Saveza.



*Zakoni su objavljeni u
„Službenim novinama
Federacije BiH“, broj 80.,
od 1.10.2014. godine, i mogu
se naći na web stranici
Saveza.*

POTPISAN MEMORANDUM OBNOVE I RENOVIRANJA DOMOVA U OPĆINI MAGLJAJ



U nedjelju, 5. oktobra, koordinator TIKa-e u Sarajevu Fatih Karaca i načelnik Općine Maglaj Mehmed Mustabašić potpisali su memorandum obnove i renoviranja domova u općini Maglaj vrijedan oko 1 milion €, navodi se na web stranici Općine Maglaj.

Ceremoniji potpisivanja memoranduma prisustvovali su član Predsjedništva BiH Bakir Izetbegović, ambasador Turske u Sarajevu Cihad Erginay, kao i veliki broj zvaničnika iz BiH i iz Turske.

Karaca je tom prilikom kazao da će TIKa učiniti sve da građani Maglaja koji su izgubili domove u

poplavama što prije dobiju krov nad glavom.

Načelnik Općine Maglaj, Mehmed Mustabašić je izjavio kako je ovo „dvostruki Bajram za cijeli grad Maglaj i njene stanovnike“.

"Nakon potpisivanja memoranduma početak će se sa opravkom kuća. Ovo je veliki dan za narod Maglaja. Mislim da ćemo uz pomoć koju ćemo dobiti od Turske uspjeti da obnovimo sve kuće", rekao je načelnik.

Izetbegović je istakao da će biti "popravljenе sve kuće koje su oštećene u poplavama u Maglaju i Sanskom mostu. Sporazum koji je dogovoren u Maglaju je vrlo važan. Vrlo je važno da se u ovom momentu desilo nešto ovako. Zahvaljujem se turskom narodu na pomoći".

*"Nakon potpisivanja
memoranduma početak će se
sa opravkom kuća. Ovo je
veliki dan za narod
Maglaja. Mislim da ćemo
uz pomoć koju ćemo dobiti
od Turske uspjeti da
obnovimo sve kuće", rekao
je načelnik.*

ZENICA I TUZLA PUTEM DONACIJA I KREDITA DOBIJAJU 22,5 MIL EUR ZA
UNAPREĐENJE VODOSNABDIJEVANJA

Ministar finansija i trezora BiH Nikola Špirić i predstavnici Švajcarske i Njemačke potpisali su sporazum o provođenju Programa vodosnabdijevanja i otpadnih voda u BiH vrijedan 22,5 mil EUR.

U ime Vlade Švajcarske, sporazum je potpisao ambasador Švajcarske u BiH Hajnrih Majrer, dok je predstavnik Njemačke razvojne banke KfW Stefan Lojdersdorf potpisnik sporazuma u ime Vlade Njemačke.

Program će se fokusirati na revitalizaciju i nadogradnju sistema vodosnabdijevanja i otpadnih voda u gradovima Zenica i Tuzla čime će se poboljšati uslovi života za više od 200.000 ljudi, saopšteno je iz Ambasade Švajcarske u BiH.

Finansijska sredstva biće obezbijedena donacijama vlada Švajcarske i Njemačke i kreditom njemačke Vlade putem razvojne banke KfW.

Vlada Švajcarske će putem Saveznog sekretarijata za ekonomske poslove u naredne tri godine donirati 10 mil EUR za uspostavljanje pouzdanog i efikasnog vodosnabdijevanja, dok će Vlada Njemačke za tehničku podršku programu donirati 1,5 mil EUR.

Osim donacija, Vlada Njemačke je obezbijedila i kredit od 11 mil EUR koji će biti implementiran putem Njemačke razvojne banke KfW.

Program će biti proveden od 2015. do 2017. godine na osnovu studije izvodljivosti koju je izradio konzorcijum stručnjaka iz BiH i Njemačke.

Njegovim provođenjem omogućice se uključenost 17.000 novih korisnika u sistem vodosnabdijevanja u Zenici i Tuzli, a dodatnih 9.000 stanovnika Zenice biće priključeno na sistem odvođa otpadnih voda.

U saopštenju se navodi da će poboljšanje sistema vodosnabdijevanja i kvalitete voda u potpunosti biti u skladu sa Zakonom o kvalitetu vode za piće Federacije BiH.



Finansijska sredstva biće obezbijedena donacijama vlada Švajcarske i Njemačke i kreditom njemačke Vlade putem razvojne banke KfW.

KORISNI LINKOVI ZA
PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

DOGOVORENA ZAJEDNIČKA SARADNJA OPĆINA ZA REDOVAN ODVOZ OTPADA U
SLIVU AKUMULACIJE MODRAC

Načelnici općina Banovići, Kalesija, Lukavac, Tuzla i Živinice potpisali su Povelju o međusobnoj saradnji na uvođenju kontinuiranog odvoza otpada u slivu akumulacije Modrac, čime je potvrđena spremnost da se nadležne općinske službe i komunalna preduzeća zajednički angažiraju na uvođenju redovnog odvoza otpada na cijelom slivnom području. Naime, Centar za ekologiju i energiju (CEE) je uz pomoć Vlade Švicarske realizirao projekat "Redovan odvoz otpada je pravo

s svih građana" koji se od februara do septembra 2014. godine sproveo na područjima općina Banovići, Kalesija, Lukavac, Tuzla i Živinice. Nosioci projekta bili su pomenute općine i njihova komunalna preduzeća koja se bave odvozom i zbrinjavanjem otpada. U okviru projekta je formirana radna grupa sastavljena od predstavnika općina i komunalnih preduzeća, koja je na osnovu prikupljenih informacija o pokrivenosti odvozom otpada, postojećim divljim deponijama, kapacitetima i tehničkoj opremljenosti komunalnih preduzeća i zakonskoj regulativi izradila dokument "Redovan odvoz otpada u slivu akumulacije Modrac".

Dokument sadrži analizu problema, mapu pokrivenosti slivnog područja odvozom otpada i plan proširenja odvoza otpada na cijelo slivno područje.

Prikupljeni podaci su pokazali da u slivu akumulacije Modrac postoji problem nelegalnog odlaganja otpada, da u redovan odvoz otpada nije uključeno 58% domaćinstava, da se u slivu akumulacije nalazi 150 divljih deponija zapremine preko 5 m³, da su prisutne velike količine otpada na obalama potoka, rijeka i akumulaciji Modrac.

Samo 42% domaćinstava uključeno je u redovan odvoz otpada, te je potrebno hitno raditi na povećanju njihovog broja. Predviđeno je da se do 2020. godine uključi 95% domaćinstava u redovan odvoz otpada.





U TOKU INTEZIVNI RADOVI NA IZGRADNJI ZGRADE OPĆINE KAKANJ

U Ulici branilaca u Kaknju odvijaju se intenzivni radovi na izgradnji zgrade Općine Kakanj. Prethodno je izvršena izgradnja potpornog zida, te drugi radovi koji su bili preduslov za početak izgradnje novog administrativnog objekta u Kaknju.

Nakon decenija pružanja usluga građanima u objektu koji je vlasništvo RMU Kakanj, nakon brojnih opravdanih sugestija i kritika da stara i trošna zgrada zbog arhitektonskih barijera ne pruža mogućnost da se građanima s posebnim potrebama omogući pristup svim službama koje pružaju usluge, donesena je odluka o izgradnji nove zgrade Općine Kakanj.

Vrijednost Ugovora o izvođenju grubih građevinskih radova na izgradnji zgrade Općine Kakanj u prvoj fazi iznosi 2.002.755 KM. Izvođač radova je Konzorcij "ITC" Zenica i "Trgošped" Kakanj. Radovi se finansiraju iz sredstava ostvarenih prodajom poslovnih prostora koji su bili u vlasništvu Općine Kakanj. Ova sredstva mogu biti utrošena samo za izgradnju novih objekata u vlasništvu Općine.

U budućoj zgradi planirane su podrumske prostorije sa 52 mjesta za parkiranje. U suterenu će biti smještena šalter-sala, sala za vjenčanja i šest poslovnih prostora. Bit će građene i tri etaže u kojima će biti radni prostori za općinske službe, sale za sastanke, sala za sjednice Općinskog vijeća, a objekat će sadržavati i veliki hol. U jednomdijelu potkrovlja bit će izgrađena otvorena terasa.



*Vrijednost Ugovora o
izvođenju grubih
građevinskih radova na
izgradnji zgrade Općine
Kakanj u prvoj fazi iznosi
2.002.755 KM.*

USPJEŠNO OKONČANI „ENERGETSKI DANI ZENICA 2014.



ZENICA, 6. oktobar/listopad – Tokom Generalnog bh. sajma ZEPS 2014., u periodu od 30. septembra do 04. oktobra 2014. godine, Općina Zenica, Agencija ZEDA i općinska Javna preduzeća su, uz podršku Njemačkog društva za tehničku pomoć i međunarodnu saradnju GIZ, održali „Energetske dane Zenica 2014.“

Projekat „Energetski Dani Zenica 2014“ je jedan od značajnijih

projekata u okviru realizacije SEAP-a čiji je primarni cilj jačanje javne svijesti o racionalnoj potrošnji energije.

Po prvi puta, na jednom mjestu, pod potkrovnitvstvom Centra za Energetsku Efikasnost predstavljena su sva javna preduzeća općine Zenica kao implementatori značajnih projekata iz oblasti energetske efikasnosti, općina Zenica te Agencija ZEDA.

Primarni cilj manifestacije je bio upoznati širu javnost sa uspješno realizovanim projektima iz oblasti energetske efikasnosti, projektima koji su u fazi implementacije te projektima koji će se realizovati u bliskoj u budućnosti. Shodno tome, urađen je i promotivni materijal sa detaljnijim informacijama o svakom projektu kao i javnom preduzeću koji ga implementira:

- Javno preduzeće za prostorno planiranje i uređenje grada Zenica je predstavljeno sa projektom izgradnje glavne gradske magistrale i projektom modernizacije javne rasvjete.

- Javno preduzeće Grijanje je predstavljeno sa projektom modernizacije sistema daljinskog grijanja i implementiranim projektom korištenja biomase za sistem daljinskog grijanja u Nemili.

- Javno preduzeće Vodovod i Kanalizacija je predstavljeno sa svojom prvom mini hidroelektranom na pitkoj vodi u Čajdrašu.

- Javno kantonalno preduzeće za prevoz putnika Zenica je u posljednje tri godine izvršilo modernizaciju voznog parka nabavkom 15 autobusa za potrebe gradskog i prigradskog prevoza putnika, koji osim kvalitetnije usluge prevoza imaju i manju potrošnju goriva odnosno umanjenu emisiju CO₂.

- Izgradnja termoelektrane-toplane KTG Zenica.

- Regionalna deponija Moščanica sa budućim projektom korištenja deponijskog plina za proizvodnju električne energije.

- Javno preduzeće za upravljanje i održavanje sportskih objekata je predstavljeno sa budućim projektom korištenja sunčeve energije za proizvodnju električne energije i pripremu tople vode.




Napravljeni su i promotivni materijali sa korisnim savjetima o efikasnoj potrošnji energije u domaćinstvima, koji su u velikim količinama i distribuirani. Osim toga, javnosti je predložen i ENMSAFOT software koji će biti korišten kao alat za uspostavljanje sistema upravljanja energijom općine Zenica, prvenstveno u javnim objektima koji su pod nadležnosti općine Zenica.

Organizatori manifestacije Energetski Dani Zenica 2014 su: općina Zenica, JP Grijanje, JP ViK, JP za prostorno planiranje i uređenje grada Zenica, Agencija ZEDA i Njemačko društvo za međunarodnu tehničku saradnju GIZ.



GRADONAČELNIK BEŠLIĆ NA SJEDNICI KONGRESA LOKALNIH I REGIONALNIH VLASTI VIJEĆA EVROPE



Povjerenstvo za očuvanje nacionalnih spomenika BiH upriličila je otvaranje izložbe panoa "Svjetskog naslijeđa u Bosni i Hercegovini" u zgradi Vijeća Europe u Strasbourgu.

Izložba je organizirana povodom sjednice Kongresa lokalnih i regionalnih vlasti Vijeća Europe od 14. do 16. listopada/oktobra, a kojoj je prisustvovao i gradonačelnik Mostara Ljubo Bešlić.

Pored nacionalnih spomenika koji su upisani na Listu svjetske kulturne baštine UNESCO-a, Stari most i Stari grad Mostar, te most u Višegradu,

na izložbi su postavljeni panoi osam dobara koji se nalaze na Privremenoj listi svjetske baštine UNESCO-a - Blagaj, prirodno i graditeljsko područje, Blidinje, prirodno i graditeljsko područje, Jajce, historijsko urbano područje, Nekropole sa stećcima, međudržavna nominacija srednjovjekovnih nadgrobnih spomenika, Pećina Vjetrenica, prirodno dobro, Počitelj i dr.

S obzirom na to da BiH iduće godine preuzima predsjedanje Vijećem Europe, izložba je posvećena promociji BiH, tako da su uz izložbu Komisije turističku ponudu prezentirali predstavnici Mostara, Tuzle, Banja Luke, Prijedora i Sarajeva.

Na otvaranju izložbe uzvanicama se, između ostalih, obratio i predsjednik Kongresa lokalnih i regionalnih vlasti Vijeća Europe Herwig Van Staa i članica Komisije za očuvanje nacionalnih spomenika Ljiljana Ševo.

NAJAVA ODRŽAVANJA OBUKE ZA OPĆINSKE VIJEĆNIKE NA TEMU: "UPRAVLJANJE IMOVINOM JLS"

Tokom mjeseca oktobra/listopada i novembra/studenog Savez će sprovest dvije specijalističke obuke za vijećnike i to na teme: „Upravljanje imovinom jedinica lokalne samouprave“ i „Upravljanje gradskim / općinskim finansijama“.

Prva obuka će biti na temu „Upravljanje imovinom jedinica lokalne samouprave“ i održat će se u Bosanskom Petrovcu, 23. oktobra/listopada 2014. godine u zgradi Općine, sala Općinskog vijeća.

Obuka je namjenjena za sljedeće općine: Bihać, Bosanska Krupa, Bosanski Petrovac, Bosansko Grahovo, Bužim, Cazin, Dobretići, Drvar, Jajce, Ključ, Sanski Most i Velika Kladuša.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Pratite Savez općina
i gradova FBiH na



Pratite Savez općina
i gradova FBiH na



Obuci mogu prisustvovati najviše četiri osobe iz grada / općine (tri iz vijeća i jedna iz službe), a Savez je sugerisao da to budu predsjedavajući gradskog / općinskog vijeća, dva vijećnika iz relevantne Komisije i obavezno sekretar gradskog / općinskog vijeća.

Tokom seminara, učesnici će se upoznati sa relevantnim zakonskim okvirom, steći će osnovno znanje o principima i metodologiji upravljanja imovinom, upoznati se sa najnovijim trendovima i dobrim praksama upravljanja imovinom, metodama i alatima koje mogu koristiti JLS u realizaciji funkcije upravljanja imovinom, te podići svijest o značaju upravljanja imovinom u lokalnom razvoju. Seminar je besplatan i traje jedan dan, od 09:00 do 17:00 sati.

Inače, na osnovu Strategije obuke za jedinice lokalne samouprave u Federaciji Bosne i Hercegovine 2011. – 2015. godine, koju je usvojila Vlada Federacije Bosne i Hercegovine („Službene novine FBiH“, broj 19/12), poslovi vezani za operativno upravljanje obukom izabranih zvaničnika pripali su Savezu općina i gradova FBiH.

U skladu sa odredbama Strategije i Odluke Predsjedništva Skupštine Saveza, Savez je formirao Jedinicu za obuku koja radi na promociji obuke kao načina povećanja nivoa kvaliteta usluga koje jedinice lokalne samouprave pružaju građanima.

Tokom 2012. i 2013. godine, Savez je, putem Jedinice za obuku realizirao 42 seminara za općinske vijećnike. To je bio uvodni seminar namjenjen novoizabranim vijećnicima, a učešće je uzelo oko 600 vijećnika.

Naredna aktivnost Saveza, u okviru Strategije obuke, do kraja 2014. godine biće realizacija navedenih specijalističkih obuka za vijećnike, te za načelnike iz oblasti liderskih vještina.

*Obuka je namjenjena za
sljedeće općine: Bihać,
Bosanska Krupa, Bosanski
Petrovac, Bosansko
Grahovo, Bužim, Cazin,
Dobretići, Drvar, Jajce,
Ključ, Sanski Most i Velika
Kladuša.*

RENEXPO BIH - NAJAVA PRVOG MEĐUNARODNOG SAJMA I KONFERENCIJE O OBNOVLJIVIM IZVORIMA ENERGIJE I ENERGETSKOJ EFIKASNOSTI



Ostalo je malo manje od mjesec dana do realizacije Prvog međunarodnog sajma i konferencija o obnovljivim izvorima energije i energetske efikasnosti **RENEXPO® BiH** koji će u Sarajevu tokom 5. i 6. novembra/studenog okupiti investitore, donosiocje odluka, predstavnike ministarstava i općinskih struktura, kao i poslovne rukovodioce iz energetskih i sektora obnovljivih izvora energije.

Sa ciljem promovisanja koncepta energetske efikasne gradnje i korišćenja obnovljivih izvora energije uopšte, uz predstavljanje izazova, ali i tržišnih potencijala ovog regiona, dvodnevni događaj će povezati renomirane stručnjake na **lokalnom i međunarodnom nivou**. Implementacija projekata koji bi omogućili racionalniju potrošnju energenata i doprineli povećanju energetske efikasnosti u objektima javne namjene i kolektivnog stanovanja, kao i kod ulične rasvete uz postizanje značajne finansijske uštede, pokretač je privrede i prilika za otvaranje novih radnih mjesta uz cjelokupno pokretanje ekonomije.

U ova dva dana predstavice se čak 70 izlagača iz **tri oblasti**:

- **Energetska efikasnost** u industriji, građevinarstvu i javnom sektoru (sa akcentom na energetske efikasne ulične rasvjetu)

- **Hidroenergija**

- **Biogas i biomasa (drvena)**

Pored sajma na koji zainteresovani mogu doći **potpuno besplatno** jednostavnim **REGISTRO-VANJEM** na našem sajtu www.renexpo-bih.com, **organizujemo i sledeće konferencije**:

- **Konferencija o energetske efikasnosti** - besplatna, potrebna je registracija

- **Konferencija o hidroenergiji** - 40 EUR

- **Konferencija o biogasu** - 40 EUR

- **Konferencija o biomasi** - 40 EUR

Postoje popusti za grupnu kupovinu ovih kotizacija.

Uz sve ovo, partner RENEXPO događaja Deutsche Gesellschaft für Internationale Zusammenarbeit (GIZ) GmbH po prvi put će ponuditi i potpuno nov koncept diskusije o relevantnim temama - Speakers Corner o energetske efikasnosti.

Zainteresovani mogu uzeti učešće u događaju na nekoliko načina:

- **spanzorisanjem sajma ili konferencija** - ukoliko želite najzapaženiju vizuelnu prezentaciju tokom događaja, pogledajte **SPONZORSKE PAKETE** na www.renexpo-bih.com

- **predstavljanjem na izlagačkim štandovima**

- **učešćem u nekoj od profesionalnih konferencija** - registracija je neophodna jer je broj mjesta ograničen! **REGISTRACIJA ZA KONFERENCIJE**

- ili kao posjetilac - potpuno besplatno uz obaveznu registraciju na www.renexpo-bih.com





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Uključite Savez općina i gradova Federacije Bosne i Hercegovine na

YouTube

Pratite Savez općina i gradova FBiH na



facebook
Savez općina i gradova Federacije Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

LAF RADIONICA O ZAŠTITI PRIRODE NA LOKALNOM NIVOU



U okviru programa Local Administration Facility (LAF) organizuje se radionica u Briselu pod nazivom „Zaštita prirode na lokalnom nivou“ (LAF Workshop on Protection of nature at a local level) koja će trajati od 08. do 10. decembra/prosinca 2014. godine. Cilj radionice je pružiti priliku lokalnim i regionalnim predstavnicima za upoznavanjem i razmjenom ideja u vezi sa EU procedurama i praksom u navedenoj oblasti.

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Kosovo, Makedonija, Crna Gora i Srbija) i Tursku. Maksimalno po šest učesnika može biti izabrano iz svake od odabranih zemalja.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Motivacijsko pismo treba biti ovjereno od strane institucije koja šalje učesnika. Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIEX@eeas.europa.eu Izbor kandidata vršiće Generalni direktorat za proširenje zajedno sa program menadžerima Delegacije Evropske Unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnim formularu. Znanje engleskog jezika je važno zbog praktičnih vježbi gdje će biti traženo učešće svih polaznika.

Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 4. novembar/studen 2014. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Obrazac za prijavu, vodič za učesnike, kao i nacrt dnevnog reda za događaj možete naći na web stranici Saveza.

